

গরিব শিশুদের শিক্ষায় গেটস ফাউন্ডেশনের ৪০ মিলিয়ন ডলার

যাযাদি ডেস্ক

সাউথ এশিয়া এবং সাব সাহরান আফ্রিকার কয়েকটি গরিব দেশে শিক্ষার মানোন্নয়নের জন্য বিল গেটস ফাউন্ডেশন ১৮ ডিসেম্বর ৪০ মিলিয়ন ডলার বরাদ্দের ঘোষণা দিয়েছে। এ অর্থ দেয়া হবে উইলিয়াম অ্যান্ড ফ্লোরা হিউলেট ফাউন্ডেশনকে। এ দুই ফাউন্ডেশন যৌথভাবে কাজ করবে শিক্ষার উন্নয়নে। এনা।

বিল অ্যান্ড মেলিভা গেটস ফাউন্ডেশনের এ ৪০ মিলিয়ন ডলারের সঙ্গে আরো ২০ মিলিয়ন ডলার যোগ করবে উইলিয়াম অ্যান্ড ফ্লোরা হিউলেট ফাউন্ডেশন অর্থাৎ মোট ৬০ মিলিয়ন ডলার (৪২০ কোটি টাকা) ব্যয় করা হবে। এ অর্থ দিয়ে আধুনিক পদ্ধতিতে শিক্ষা ব্যবস্থার উন্নয়নে বিভিন্ন প্রকল্প নেয়া হবে। এমন শিক্ষা প্রদান করা হবে যাতে কর্মসংস্থানেরও সমাধান অত্রাহিত

থাকে।

ওয়ার্ল্ড ব্যাংক এবং অন্যান্য বড় বড় এনজিও কর্তৃক বিভিন্ন কার্যক্রম চালু থাকা সত্ত্বেও যেসব এলাকায় শিক্ষার হার এখনো একেবারেই কম, সে অঞ্চলেই এ প্রকল্প চালু করা হবে বলে জানিয়েছেন উইলিয়াম অ্যান্ড ফ্লোরা হিউলেট ফাউন্ডেশনের প্রেসিডেন্ট পোল ব্রেন্ট।

প্রসঙ্গত, উন্নয়নশীল দেশগুলোয় প্রাইমারি শিক্ষা প্রসারের জন্য ওয়ার্ল্ড ব্যাংক ১২ বিলিয়ন ডলার ব্যয় করেছে ১৯৯০ সাল থেকে।

হিউলেট ফাউন্ডেশনের সিনিয়র ফেলো লিন মারফি বলেন, আমরা এখনো দেশগুলোকে চিহ্নিত করিনি। তবে ইনডিয়া, নাইজেরিয়া, ভাঙ্গানিয়া সরকার ইতিমধ্যেই শিক্ষা প্রসারের ব্যাপারে কি পদক্ষেপ নেয়া দরকার তা নিয়ে গবেষণা শুরু করেছে।